

# Ze stawiznow Ponichoweje knihownje

- 1784 – 1806 Bohačesć Bjedrich Ponich kupuje jako kandidat duchownstwa w Budyšinje runja džědej serbske knihi, mj. dr. najstarše delnjoserbske a skoro wšě hornjoserbske ewangelske čišće.
- 1827, 05.05. Budissinische Wöchentliche Nachrichten wozjewja nawěšk wo přesadźowanju mobiliara ze zawostajenstwa B. Bj. Ponicha.
- 15.07. pisataj Handrij Lubjenski a Bjedrich Adolf Klin, zo staj za Serbske přédarske towarstwo w Lipsku za ciwilnu plaćiznu (3 tolerje) kupili 70 zwjazkow a woprawdźite řědkosće wobsahowacu knihownju Ponicha.
- 27.12. Handrij Zejler a Hendrich Awgust Krygar namjetujetaj jimaj, knižnu zběrku wobchować jako zakład centralneje serbskeje biblioteki w Budyšinje. Namjet so přija a protokolarisce so postaji, zo zaměstni so knihownja we wjelbowanej kapalni Michałskeje cyrkwe.
- 1831 zestaja Handrij Lubjenski za Pavola Jozefa Šafařika »Verzeichnis wend. Bücher«, zložuju so na Ponichowu knihownju.
- 1832 – 1840 Hendrich Awgust Krygar farar při Michałskej cyrkwi. Zestaja wužiwajo Ponichowe knihi swoje »Materialien zu einem vollständigen, chronologisch geordneten und kritischen Verzeichnis der Oberlausitz-wendischen Literatur Budissinisch-evangelischen Dialekts«. Wudospołnjowaše knihownju do lěta 1842.
- 1848 Korla Awgust Jenč spomni w knize »Serbske horne Łužicy« Ponichowu knihownju
- 1853 Korla Awgust Jenč wopisa w ČMS přeni čišćany serbski časopis **»Měsačne pismo«** Jana Awgusta Janki a Korle Bohuchwala Šěraha (1790) z Ponichoweje zběrki.
- 1858 Korla Awgust Jenč předstaji w ČMS »Najstaršu serbsku čišćanu knihu ... **Albina Mollera** ... w Ponichowej serbskej knihowni« (1574).
- 1875 po powěsći Arnošta Muki wupožči sebi slawist August Leskien z Lipska Mollerowu knihu. Z toho časa je kniha zhubjena.
- 1896 – 1914 Arnošt Muka zhotowi sej wotpisk w Ponichowej knihowni so chowaceho delnjoserbskeho spisa **»Enchiridion Vandalicum«** (1610) H. Tharaeusa.
- 1923 Karl Heinrich Meyer wozjewi studiju »Der oberwendische (obersorbische) **Katechismus des Warichius** (1597)«. W njej skedźbnja na to, zo słuša Ponichowa knihownja Přédarskemu towarstwu w Lipsku.
- 1924 – 1928 po powěsći Ota Wićaza pósła farar Michałskeje wosady Wylem Tyšer Ponichowu knihownju do Lipska Landsmannschafći Sorabia.
- 1929 časopis »Sorabia« naspomni chowanje Ponichoweje knihownje w domje Sorabow w Lipsku na Moltkowej 11.
- 1945 Trofejowa brigada Sowjetskeho wójska wubra z pomocu G. Kreußlerja džěl čišćow ‚serbskeje knihownje‘ Sorabow a wotwjeze je do Ruskeje.
- 1952 Božidar Dobrucky praji, zo chowa so Warichiusowy katechizm z Ponichoweje knihownje w priwatnej ruce w Lipsku.
- 1957 Serbska centralna biblioteka kupi w knihikupstwje Emila Gräfe w Lipsku (wobsydnik W. Fiedler, člon bywšeje Sorabije) Frenclowy katechizm z l. 1693.
- 1961 SCB kupi pola antikwara Markerta w Lipsku Frenclowej **Sćeni Mateja a Marka** (1670) a 23 drobných čišćow 18. lětstotka z Ponichoweje knihownje.
- 1999, 01.04. meja Roland Marti zdžěli, zo poskića překupc Grinblat w Moskwje serbske knihi. Jurij Koch, kiž je z filmowej skupinu w Moskwje, kupi w priwatnym bydlenju štyri kisty z knihami, mjez nimi 12 drobných čišćow z Ponichoweje zběrki. Knihi wostanu priwatnje składowane w Moskwje.
- 21.12. z podpěru čěskich přěcelow dóńdu knihi do Němskeje. Čěski wulkopóslanc František Černý přepoda je składnostnje wopyta Budyšina SCB.
- 2001 Franc Šěn předstaji Ponichowu knihownju na Maćičnej zhomadžiznje. Rainer Haas z Münstera, člon Landsmannschafty Sorabia-Westfalen, wopyta SCB a dari Lutherowy katechizm (1716) z Ponichoweje zběrki.
- 2010 SCB kupi w antikwariacie Kerstin Daras w Düsseldorfje druhi wudawk Mateja Šofty »Der andächtige Schüler« (1748) – z Ponichoweje zběrki.